



Broj: 12-11-15-1090/21
Sarajevo, 23. 4. 2021. godine

Na osnovu člana 70. Zakona o javnim nabavkama („Službeni glasnik BiH“, broj: 39/14) i preporuke Komisije za provođenje postupka nabavke kompjuterske i uredske opreme za potrebe Ureda za reviziju institucija u Federaciji Bosne i Hercegovine za budžetsku 2021. godinu, putem otvorenog postupka nabavke (obavještenje o nabavci broj: 296-1-1-9-3-10/21 objavljeno na Portalu javnih nabavki 9. 3. 2021. godine i „Službenom glasniku BiH“, broj 17/21 od 19. 3. 2021. godine), date u Zapisniku o pregledu i ocjeni ponuda broj: 12-11-15-569-7/21 od 21. 4. 2021. godine, generalni revizor donosi

ODLUKU

o poništenju postupka nabavke kompjuterske i uredske opreme za LOT 2, LOT 3, LOT 4 i LOT 8

I

Poništava se postupak nabavke kompjuterske i uredske opreme za potrebe Ureda za reviziju institucija u Federaciji Bosne i Hercegovine za budžetsku 2021. godinu putem otvorenog postupka nabavke, za LOT 2 - memorija za servere iz razloga što nije primljena nijedna ponuda u krajnjem predviđenom roku; za LOT 3 – AP (Access Point) za nadogradnju bežične WIFI mreže u područnom uredu iz razloga što je cijena prihvatljive ponude znatno veća od osiguranih sredstava za predmetnu nabavku; za LOT 4 – multifunkcijski štampač/kopir/skener/faks A4 monohromatski laserski i LOT 8 – multimedijalni projektor sa dodatnom opremom iz razloga što za ove lotove nije primljena nijedna prihvatljiva ponuda.

II

Zadužuje se Odjeljenje za pravne i opće poslove i ljudske resurse, da ovu odluku dostavi ponuđačima – učesnicima u postupku u roku od 3 (tri) dana, a najkasnije u roku od 7 (sedam) dana od dana donošenja ove odluke, elektronskom poštom, preporučenom poštom ili neposredno.

III

Ova odluka stupa na snagu danom potpisivanja.

obrazloženje

Ured za reviziju institucija u Federaciji Bosne i Hercegovine (u daljem tekstu: Ugovorni organ) je u skladu sa odredbama Zakona o javnim nabavkama ("Službeni glasnik BiH", broj: 39/14) Odlukom broj: 12-11-15-569/21 od 25. 2. 2021. godine, pokrenuo postupak nabavke kompjuterske i uredske opreme putem otvorenog postupka nabavke za potrebe Ureda za reviziju institucija u Federaciji Bosne i Hercegovine za budžetsku 2021. godinu.

Obavještenje o javnoj nabavci, broj: 296-1-1-9-3-10/21 objavljeno je na Portalu javnih nabavki dana, 9. 3. 2021. godine i „Službenom glasniku BiH“, broj 17/21 od 19. 3. 2021. godine.

Komisija za provođenje postupka nabavke kompjuterske i uredske opreme za potrebe Ureda za reviziju institucija u Federaciji Bosne i Hercegovine, za budžetsku 2021. godinu imenovana Rješenjem generalnog revizora broj: 12-11-15-569-1/21 od 2. 3. 2021. godine, provela je postupak javne nabavke u skladu sa Zakonom o javnim nabavkama i podzakonskim aktima te sačinila Zapisnik o otvaranju ponuda od 8. 4. 2021. godine, Analitički prikaz traženih i dostavljenih dokumenata - Kvalifikacija ponuđača broj: 12-11-15-569-6/21 od 21. 4. 2021. godine i Zapisnik o pregledu i ocjeni ponuda, broj 12-11-15-569-7/21 od 21. 4. 2021. godine u kojem je konstatovano: U predmetnom postupku nabavke na protokol Ugovornom organu pravovremeno je pristiglo 12 ponuda za sve lotove, od kojih po jedna ponuda za LOT 3 i LOT 8 i dvije ponude za LOT 4 kako slijedi:

- za LOT 3 – AP (Access Point) za nadogradnju bežične WIFI mreže u područnom uredu ponudu je dostavio ponuđač Digitarija d.o.o. Sarajevo;

- za LOT 8 – Multimedijalni projektor sa dodatnom opremom ponudu je dostavio ponuđač Imtec d.o.o. Sarajevo
 - za LOT 4 – multifunkcijski štampač/kopir/skener/faks A4 monohromatski laserski ponude su dostavili ponuđači C-servis d.o.o. Sarajevo i INTER-COM d.o.o. Zenica
- Za LOT 2 – memorija za servere nije pristigla nijedna ponuda.

Na osnovu pregleda dostavljenih dokumenata u odnosu na dokumente i zahtjeve tražene tenderskom dokumentacijom, utvrđeno da slijedeće:

Ponuda ponuđača Digitarija d.o.o. Sarajevo za LOT 3 ne ispunjava sve zahtjeve tražene Tenderskom dokumentacijom, kako slijedi: u Obrascu za cijenu ponude (Aneksu I) ukupna cijena ponude bez PDV iznosi 2.700,00 KM i veća je od procijenjene vrijednosti lota iz Tenderske dokumentacije koja iznosi 1.700,00 KM.

Ponuda ponuđača C-Servis d.o.o. Sarajevo za LOT 4 ne ispunjava sve zahtjeve tražene Tenderskom dokumentacijom, kako slijedi: u Aneksu III (Tehnička specifikacija) ponuđeni model uređaja ne sadrži disk kapaciteta 16 GB koji je zahtijevan u Tehničkoj specifikaciji Tenderske dokumentacije; brzina ispisa od 43 ppm je manja od zahtijevane brzine ispisa 45 ppm u Tehničkoj specifikaciji Tenderske dokumentacije.

Ponuda ponuđača Intercom d.o.o. Zenica za LOT 4 ne ispunjava sve zahtjeve tražene Tenderskom dokumentacijom, kako slijedi: Aneks III (Tehnička specifikacija): model ponuđenog uređaja nije isti model uređaja iz katalogske dokumentacije; ponuđeni format skeniranih fajlova PDF, nije u skladu sa zahtjevom formati skeniranih fajlova PDF (pretraživ, enkriptovan, digitalno potpisan) iz Tehničke specifikacije Tenderske dokumentacije.

Ponuda ponuđača Imtec d.o.o. Sarajevo za LOT 8 ne ispunjava sve zahtjeve tražene Tenderskom dokumentacijom, kako slijedi: u Tehničkoj specifikaciji (Aneks III) model i proizvođač za dodatnu opremu (nosač projektora, hdmi splitter i prezentacijsko platno) popunjeno je sa „DA“ umjesto naziva modela i proizvođača što nije u skladu sa zahtjevom u Tehničkoj specifikaciji Tenderske dokumentacije.

Komisija je u Zapisniku o pregledu i ocjeni ponude predložila odgovornoj osobi Ugovornog organa donošenje Odluke o poništenju postupka javne nabavke i to:

- u skladu sa članom 69. stav (2) tačka a) Zakona o javnim nabavkama za LOT 2 – memorija za servere s obzirom da za ovaj lot nije primljena nijedna ponuda u krajnje predviđenom roku;
- u skladu članom 69. stav (2) tačka d) Zakona za LOT 4 - multifunkcijski štampač/kopir/skener/faks A4 monohromatski laserski i LOT 8 – multimedijalni projektor sa dodatnom opremom s obzirom da za ove lotove nijedna od primljenih ponuda nije prihvatljiva;
- u skladu sa članom 69 stav (2) tačka e) Zakona za LOT 3 – AP (Access Point) za nadogradnju bežične WIFI mreže u područnom uredu, jer je cijena prihvatljive ponude znatno veća od osiguranih sredstava za predmetnu nabavku.

Na prijedlog Komisije Ugovorni organ je donio odluku kao u dispozitivu.

Pouka o pravnom lijeku:

U skladu sa članom 99. i članom 101. Zakona o javnim nabavkama protiv ove odluke može se uložiti žalba u roku od 10 (deset) dana od dana zaprimanja odluke.

Žalba se ulaže Ugovornom organu u pisanom obliku neposredno na protokolu ili preporučenom poštanskom pošiljkom.

Žalba se podnosi u dovoljnom broju primjeraka, a koji ne može biti manji od 3 (tri).

Dostaviti:

- Digitarija d.o.o. Sarajevo
- C-servis d.o.o. Sarajevo
- INTER-COM d.o.o. Zenica
- Imtec d.o.o. Sarajevo
- u spis predmeta nabavke
- a/a

